

Pregled Dokumentata| Broj 47/20

Početna (/) / Dokumenti (/Docs/) / Službene novine Kantona Sarajevo (/Docs/Drzavni) / Dokumenti pregled

Službene novine Kantona Sarajevo, broj 47/20

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 12. Odluke o uslovima i načinu polaganja ispita za eksperte iz oblasti javnih nabavki ("Službene novine Kantona Sarajevo", broj 44/20), Vlada Kantona Sarajevo, na 41. sjednici održanoj 12.11.2020. godine, donijela je

ODLUKU

O DELEGIRANJU EKSPERTA I ZAMJENIKA EKSPERTA U KOMISIJU ZA JAVNE NABAVKE I NAKNADA EKSPERTA ZA RAD U KOMISIJI

Član 1. (Predmet Odluke)

Ovom odlukom Vlada Kantona Sarajevo (u daljem tekstu: Vlada) uređuje način delegiranja eksperta i zamjenika eksperta u komisiju za javne nabavke u institucijama čiji je osnivač Kanton Sarajevo (u daljem tekstu: Institucija), kriterije, visinu i način isplate naknade za delegiranog eksperta i zamjenika eksperta u postupku rada u komisiji za javne nabavke u Instituciji.

Član 2. (Delegiranje eksperta i zamjenika eksperta u komisiju za javne nabavke)

(1) Institucija je dužna prije započinjanja postupka javne nabavke obratiti se Uredu za borbu protiv korupcije i upravljanje kvalitetom Kantona Sarajevo (u daljem tekstu: Ured) sa zahtjevom za delegiranje eksperta i zamjenika eksperta sa Liste eksperata koji će biti imenovan u komisiju za javne nabavke, a u skladu sa članom 15. Uredbe o kontroli javnih nabavki u svim institucijama čiji je osnivač Kanton Sarajevo ("Službene novine Kantona Sarajevo", br. 27/19, 29/19, 48/19 i 13/20).

(2) U slučaju da ekspert bude spriječen u radu komisije za javne nabavke, mijenja ga zamjenik eksperta.

(3) Ured je dužan obavijestiti Instituciju o delegiranju eksperta i zamjenika eksperta u roku, ne dužem od sedam dana od dana prijema zahtjeva iz stava (1) ovog člana.

(4) Ured je dužan obavijestiti delegiranog eksperta i zamjenika eksperta o delegiranju za člana komisije za javne nabavke u roku, ne dužem od tri dana od dana obavještanja Institucije o delegiranju eksperta i zamjenika eksperta.

(5) Institucija je dužna ostvariti neposrednu komunikaciju sa delegiranim ekspertom i zamjenikom eksperta, u smislu obavještanja delegiranih o terminu održavanja prve sjednice komisije za javne nabavke, a u roku ne kraćem od pet dana od dana održavanja prve sjednice.

(6) Institucija je dužna Uredu dostaviti akt o imenovanju članova u komisiju za javne nabavke u roku od tri dana od dana imenovanja.

(7) U slučaju da ekspert koji učestvuje u radu komisije za javne nabavke, kao član komisije za javnu nabavke, uoči određene

nepravilnosti u postupku provođenja javne nabavke dužan je o tome obavijestiti Ured u roku, ne dužem od tri dana.

Član 3. (Kriteriji i naknada za eksperta)

Institucija koja provodi postupak javne nabavke dužna je da ekspertu isplati naknadu za rad u komisiji za nabavke na slijedeći način:

- a) 200,00 KM za nabavke čija je vrijednost nabavke do 250.000,00 KM,
- b) 250,00 KM za nabavke čija je vrijednost nabavke do 400.000,00 KM,
- c) 300,00 KM za nabavke čija je vrijednost nabavke do 800.000,00 KM,
- d) 350,00 KM za nabavke čija je vrijednost nabavke do 1.000.000,00 KM,
- e) 400,00 KM za nabavke čija je vrijednost nabavke preko 1.000.000,00 KM.

Član 4. (Način isplate naknade)

- (1) Naknadu za rad ekspertu, isplaćuje iz vlastitih sredstava Institucija koja provodi postupak javne nabavke.
- (2) Ako je tokom učestvovanja u postupku provođenja javne nabavke došlo do zamjene eksperta, naknada se određuje srazmjerno sudjelovanju u postupku provođenja javne nabavke, s tim što je ukupna naknada jednaka naknadi za učestvovanje eksperta u postupku javne nabavke.
- (3) Institucija kod koje je ekspert učestvovao u postupku provođenja javne nabavke dužna je donijeti i realizovati rješenje o visini naknade za učestvovanje eksperta u radu komisije za javnu nabavku u roku od osam dana od dana okončanja postupka javne nabavke, te isto u roku od tri dana od dana donošenja dostaviti Uredu.

Član 5. (Neprimjenjivanje i nepoštivanje odredbi ove Odluke)

Neprimjenjivanje i/ili nepoštivanje odredbi ove Odluke predstavlja osnov za razrješenje odgovornog lica, koju pokreće organ nadležan za njegovo razrješenje.

Član 6. (Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo", a primjenjivat će se od 01.01.2021. godine.

Broj 02-04-44485-22/20
12. novembra 2020. godine
Sarajevo

Premijer
Mario Nenadić, s. r.

Hvala što ste naš pretplatnik. Koristite pogodnosti koje dobijate pretplatom.

O nama

Javno preduzeće Novinsko-izdavačka organizacija SLUŽBENI LIST BOSNE I HERCEGOVINE. Sva prava pridržana. 2014

Adresa

Džemala Bijedića 39/III
71000 Sarajevo
Bosna i Hercegovina
Email: sllist@sllist.ba (<mailto:sllist@sllist.ba>)

Kontakti

Centrala

Tel: 033/722-030

Email (<mailto:info@sllist.ba>)

Uredništvo

Tel: 033/722-038

Email (<mailto:urednistvo@sllist.ba>)

Pravna služba

Tel: 033/722-051

Email (<mailto:info@sllist.ba>)

Računovodstvo

Tel: 033/722-045, Fax: 033/722-046

Email (<mailto:racunovodstvo@sllist.ba>)

Pretplata

Tel: 033/722-054

Email (<mailto:pretplata@sllist.ba>)

Ekspedit

Tel: 033/722-041

Email (<mailto:info@sllist.ba>)

Prodaja

Tel: 033/722-079

Email (<mailto:info@sllist.ba>)

Oglasni odjel

Tel: 033/722-049 i 033/722-050, Fax: 033/722-074

Email (<mailto:oglasi@sllist.ba>)

Tehnički sekretar

Tel: 033/722-061, Fax: 033/722-064

Ured direktora

Tel: 033/722-061

Komercijala

Tel: 033/722-042

2014 © JP NIO Službeni list Bosne i Hercegovine. Sva Prava Pridržana.